

**Kultureqarnermut, Ilanniartitaanermut, Ilisimatusarnermut Ilageeqarnermullu
Ataatsimiititaliap**

**Danskit ilinniarnermi siuariartornissaq pillugu nutarterinerat ilinniagaqartunut
nunatsinnersunut Danmarkimi najugaqartunut danskit ilinniagaqarnermi
tapiissutigisartagaannit pissarsisinnaatitaasunut sutigut aalajangersimasutigut qanoq
kinguneqarsimaneranik misilittagaasimasut pillugit danskit naalagaaffianni pisortanut
paasisassarsioqqullugit Naalakkersuisut peqquneqarnissaanik Inatsisartut
aalajangiiffigisassaattut siunnersuut
*Inatsisartuni Inuit Ataqatigiinni saqqummiunneqartoq***

Pillugu

ISUMALIUTISSISSIONAA

Siunnersuutip aappasaanneerneqarnerani tunniunneqartoq

Kultureqarnermut, Ilanniartitaanermut, Ilisimatusarnermut Ilageeqarnermullu
Ataatsimiititaliaq suliaqarnermini makkuninnga inuttaqarpoq:

Inatsisartunut ilaasortaq Vivian Motzfeldt, Siumut, siulittaasoq
Inatsisartunut ilaasortaq Peter Olsen, Inuit Ataqatigiit, siulittaasup tullia
Inatsisartunut ilaasortaq Suka K. Frederiksen, Siumut
Inatsisartunut ilaasortaq Poul Hansen, Demokratit
Inatsisartunut ilaasortaq Mimi Karlsen, Inuit Ataqatigiit

Ulloq 22. oktober 2015 siunnersuutip siullermeerlugu oqallisigineqarnerata kingorna
siunnersuut Kultureqarnermut, Ilanniartitaanermut, Ilisimatusarnermut Ilageeqarnermullu
Ataatsimiititaliamit misissorneqarpoq.

Siunnersuutip imarisaa siunertaalu

Siunnersuut manna aqqutigalugu siunnersuuteqartup kissaatigaa Kalaallinut ilinniartunut
Danmarkimi ilinniagaqarfinni ilinniartussatut tiguneqarsimasunut danskit ilinniagaqarnermi
tapiissutigisartagaannit pissarsisinnaatitaasunut sutigut aalajangersimasutigut pitsaanngitsunik
kinguneqarsimaneranik misilittagaasimasut pillugit Danskit Naalakkersuisuisa
aqqissusseqqinnerat pillugu misissorneqassasoq. Danskit ilinniarnermi siuariartornissaq
pillugu nutarterinerisa kingunerisaanik Naalagaaffimmit ilinniartunut tapissutit (SU) qanoq
kalaallinut Danmarkimi ilinniagalinnut aalajangersimasunik kinguneqartarnerisa
misissorneqarnissaat siunnersuuteqartup kissaatigaa.

Siunnersuutip inatsisartuni siullermeerlugu suliarineqarnera

Inatsisartunik siunnersuutip siullermeerneqarnerani paasinarsivoq, siunnersuutip matuma siunertaa imarisaalu ilalerniarlugit tamakkiisumik isumaqatigiittooqartoq. Taamatuttaaq siunnersuut Naalakkersuisunit tapersorsorneqarlunilu ilalerneqarpoq.

Siunnersuutip ataatsimiitaliamit suliarineqarnera

Siuariartornissaq pillugu nutarnerinermut atatillugu Naalagaaffiup ilinniartunut tapiissutaata (SU) aatsaat 1. januar 2016 appartinneqarnissaata aallartinneqarnissaa aallaqqaatigalugu ataatsimiitaliamit maluginiarneqarpoq.

Nutarinerup suli atuutilinnginnerani Naalagaaffianit misilitakkaniq pissarsiniarniarneq ataatsimiitaliamit pitsaasutit isigineqarpoq. Danmarkimi Ilinniartitaanermut nutarteriniarnerup kingunerisassai siunnersuuteqartup aalajangiussassatut siunnersuummi tunngavilersorluarneqareersimasutit isikkoqarput, taamaattumillu nutarterinerup imarisaasa isumaliutissiisummi uani misissoqqinnejarnissai pisariaqanngitsut ataatsimiitaliamit nalilerneqarpoq.

Ilinniartitaanerup qaffassarnejarnissaanut suliniutit kiisalu kalaallit nunaanni inuttaasunit ilinniakkatigut naammassinnittarnerit tunngaviatigut ataatsimiitaliamit tapersorsorneqartut ataatsimiitaliamit oqaatigineqassaaq. Tamanna kalaallinut Danmarkimi nunanilu allani ilinniagaqartunut, kiisalu nunatsinni ilinniagaqartunut atuuppoq. Taamaalillugu ataatsimiitaliamit inuuusuttunut piffissaritinnejartup iluani ilinniakkamik naammassinninniartunut kaammattuutaasussanik nutarterineqassappat ataatsimiitaliamit akerlerineqanngilaq. Taamaattumik inuiaqatigiit inuillu eqqarsaatigalugit piffissaritinnejartup iluani ilinniakkamik naammassinninneq pitsaanerusussaavoq.

Nutarinerup kalaallinut ilinniartunut Danmarkimi ilinniagaqartunut kingunerluuteqarsinnaaneranik misilitakkaniq paasinianermut atatillugu ataatsimiitaliamit kaammattuitigineqassaaq, Danmarkimi ilinniartunut tamanut kingunerluutaasinnaasunik misissuinermut atatillugu kalaallinut ilinniagaqartunut kingunerisinnaasa misissorneqarnissaat. Taamaalillugu paasineqassaaq kalaallit ilinniagaqartut danskinut nunanullu allaneersunit ilinniagaqartunut sanilliullugit nutarterinerup kingunerisaanik eqornerlunneqarnerunersut.

Naggataatigut ataatsimiitaliamit erseqqissarnejassaaq siunnersuut manna ingerlaavartumik atuuttussatut kissaatigineqarluni siunnersuutaasutut paasineqarmat. Imatut paasillugu, ilinniartunut kalaallit nunaanneersunut, Kalaallit Nunaanni, Danmarkimi nunanilu allani ilinniagaqartunut tapiissutit inuttut allaffissornikkullu kingunissaritinnejartunut nakkutilliinertut isigineqassalluni.

Naggataatigut ataatsimiititaliamit Naalakkersuisut kaammattorneqassapput siunnersuut manna tunngavigalugu ilisimalikkanik ingerlaavartumik ataatsimiititaliamut ilisimatitsissuteqartarnissaanik.

Siunnersuutip aningaasatigut kingunissai

Inatsisartut suleriaasianni § 33, imm. 1-imi allassimavoq aalajangiiffigissassatut siunnersuutit piviusunngortinnissaannut aningaasatigut allaffissornikkullu kingunerisassai siunnersuummut tunngavilersummi nassuiarneqassasut.

Siunnersuutip piviusunngortinneqarnerani aningaasatigut kingunerisassat tamatumunnga naapertuutumik siunnersuummi nalunaarsorneqarsimasut ataatsimiititaliamit maluginiarneqarpoq, Naalakkersuisut danskit naalagaaffianut saaffiginninneranni naatsorsuutigineqarpoq AC-mik ukiup 1/10-tut atorfeqartitsinertut annertutigisut atorneqarnissaat, tassa 50.000 kr. miss. Naliliineq tamanna ataatsimiititaliamit nalileqqitassatut isagineqannngilaq.

Ataatsimiititaliamit inassuteqaat

Siunnersuutip **akuersissutigineqarnissaat** **ataatsimiititaliamit** **isumaqatigiittumit**
inassutigineqarpoq.

Taamatut oqaaseqarluni kiisalu isumaliutissiissummi oqaatigineqartunut paasinnilluni
ataatsimiititaliap siunnersuut aappassaanniingassanngortippaa

Vivian Motzfeldt,
Siulitaasoq

Peter Olsen,
Siulittaasup tullia

Suka K. Frederiksen

Poul Hansen

Mimi Karlsen